

ANTIYAS A PERDE OTRO GRAN MUSICO

Nos por hasta considere como tata di musica tipico Antiyano pa su trayectoria largo musical, e cantidad di musiconan cu el a produci pa Antiyas y Aruba, tanto den su familia como for di su familia, pa e tanto composicionnan cu el a produci tanto pa islanan di Antiyas di awe como pa Aruba.

Edgar Palm a fayece dialuna anochi na edad di 92 aña na Corsow.

Por hasta bisa cu e prome composicionnan graba riba piano cu nos conoce di nos walsnan tabata di e gran maestro aki cu te na su edad grandi ainda tabata dunando les di piano.

Escritor di e buki riba musica antiyano, cu ta ser considera como e "bible" di nos musica.

Un pianista cu segun su biografia a cuminsa toca na edad di 6 aña riba tanto piano como orgel, tambe despues como violista

Un pianista gradua na conservatorio di musica na Den Haag, Hulanda.

Un persona cu tabata organista hopi aña tanto den misa protestant como sinagoga di Corsow.

Den añanan 40 y 50 cu Curom y Radio Hoyer tabata worde scucha pa tur hende, prome cu na 1954 cu Voz di Aruba a bay den aire na Aruba, musica di Edgar Palm tabata un di e musicanan mas conoci riba nos isla di artistanan antiyano.

Edgar Palm a ser honra sinembargo cu e "Concierto di Siglo" ora cu e mester a forma parti di e conciertonan aki pero pa motibo di salud no por a viaja y cu Norman Moron a tuma su lugar den e concierto aki, y a toca hunto cu Padu Lampe y Dominico Herrera (q.e.p.d.) den e conciertonan na Aruba, Antiyas y Hulanda.

E ta un di e musiconan condecora pa La Reina, tambe musico cu a ricibi premionan y galardonnan tanto na Antiyas como den exterior pa su musica.

Pa hopi musico na Aruba y na Antiyas, fayecimento di Edgar Palm a cay duro ayera mainta cu esaki a bira conoci, sinembargo, su musica ta haci tambe cu pa hopi decada y den historia di musica antiyano y Arubiano, su nomber lo keda menciona.

Cu Maestro Edgar Palm sosega na paz.

Juby

Profesor Oostindie ta duna charla tocante identidad Arubiano

ORANJESTAD(AAN): -- Universidad di Aruba ta organiza awe pa 8'or di anochi, un charla den cuadra di Studium Generale.

E biaha aki, profesor Gert Oostindie, hefe di Estudion Caribeense na e Instituto pa "Taal-, Land- en Volkenkunde" na Leiden, lo papia.

For di e tema "Passanten en blijvers", profesor Oostindie lo trata e identidad Arubiano.

Recientemente, Gert Oostindie a saca un buki ti-

tula "Het paradijs overzee, de Nederlandse Caraïben y Nederland".

E charla di profesor Oostindie ta e di dos den un serie di cuatro.

Na luna di Maart, Aart Broek lo trata e tema Passanten en blijvers for di perspectiva di literatura y na luna di Mei, Vivi Ruiz lo trate for di perspectiva di archeologia.

Tur hende ta cordialmente bonbini na Universidad di Aruba awe-nochi, entrada ta gratis.

Taxistanan di ATT&T a gana trofeo Internacional na Madrid

ORANJESTAD (AAN): Hopi bon noticia pa Taxistanan cu ta miembro di ATT&T. E siman aki nan a haya sa cu Gobierno a pone un paro na e Shuttle-Services cu tabata ranca pan di cada dia di e chofernan, y nan a worde informa cu Aruba Taxi Transfer & Tours lo worde premia cu e trofeo di "International Award for Tourist, Hotel and Catering Industry".

E trofeo aki ta worde otorga door di Trade Leaders' Club na Madrid, Spaña, despues di un Cena cu lo ser teni dia 28 di Januari 1998.


Esaki lo tuma lugar net den e temporada cu na Madrid tin e Feria Internacional di Turismo (FITUR 98). Na e reunion lo ta presente tambe autoridadnan Spaño, miembronan di Cuerpo Diplomatico, y VIPnan di turismo y hotel, prensa, etc.

ATT&T ta sumamente contento cu nan ta ricibiendo e trofeo aki, como cu e ta demostra e dedicacion y perseverancia cu cada taxista tin pa ofrece turistanan y hendenan local e mihor servicio.

Den historia, te awor ta dos instancia na Aruba so a yega di ricibi e trofeo aki, cu ta Subway Restaurant, y e Taxistanan cu ATT&T.

DIARIO ta felicita taxistanan miembro di ATT&T cu e premio internacional aki, cu ta honra e establecimentonan cu mas a sobresali den tereno

di horeca.



CARIBBEAN PALM VILLAGE RESORT

is seeking for a:

TELEPHONE OPERATOR (PBX)

Requirements:

- ✕ Speak/Write Papiamentu/English/Spanish/Dutch
- ✕ Computer Knowledge
- ✕ Serious Person & Flexible
- ✕ Good Communication Skills
- ✕ Experience: 1 year
- ✕ Must be Arubian

Please apply at Caribbean Palm Village Resort, Human Resources Office between 9:00am. and 4:00pm.


BUY PROGRAMMING FROM THE STATES!!!

Is your programming running out on your big dish? Call today and we will have you up and running in minutes. Cut out the middle man, buy from the States. We earn your business, not just take your money like other satellite dealers you are dealing with now. 24 hour service. Buy monthly, quarterly, semi-annually, or annually!!!

Aruba Basic-

\$279.95
Yearly

51 Foods and 45 Channels for only...



Including choice of

FOX and MTV or PT

Basic with your choice of:-

HBO Cinemax OR SHOWTIME FLIX sundance

\$499.00.....Per Year

Basic with all premiums:

HBO Cinemax SHOWTIME FLIX sundance

\$739.00.....Per Year

A La Carte Services Per Year:

HBO or Cinemax or Showtime
TMC or Flix/Sundance...\$149.95
Starz!.....\$159.95
SSN or Sports Channel...\$199.95
SSN & Sports Channel...\$319.95
Playboy.....\$149.95
Exxtasy.....\$189.95

To order programming call:

The Satellite Center
001-609-587-6004



Woodmart Carpentry & Plumbing

Prijs di Carnaval

- Kozijn (tur clase)
- Bentana & Porta
- Kashi di muraya
- Kitchen cabinet
- Plumbing
- Plumbing maintenance



Aki tin servicio y calidad entrega den tempo record. Tel:834-313 (9am - 5pm.) Tel:866-421 (Despues di 6:30pm.)